

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Zenica, 09.12.2020. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), a u vezi s odredbama članova 234. i 247. Zakona o privrednim društvima ("Službene novine Federacije BiH", broj: 81/15), u postupku izbora i imenovanja Nadzornih odbora javnih preduzeća, Gradonačelnik Grada Zenice, objavljuje

O G L A S
za izbor i imenovanje članova Nadzornih odbora
javnih preduzeća čiji je osnivač Grad Zenica

Objavljuje se Oglas za izbor i imenovanje članova Nadzornih odbora javnih preduzeća čiji je osnivač Grad Zenica i to:

1. JP za prostorno planiranje i uređenje grada "Zenica" d.o.o. Zenica
2. JP za upravljanje i održavanje sportskih objekata d.o.o. Zenica
3. JP "Gradsko groblje" d.o.o. Zenica
4. JP "Tržnica" d.o.o. Zenica
5. JP "Parking servis" d.o.o. Zenica
6. JP "Grijanje" d.o.o. Zenica
7. PD „Regionalna deponija Mošćanica“ d.o.o. Zenica

Nadzorni odbor sastoji se od tri člana.

Mandat članova Nadzornih odbora je četiri (4) godine uz mogućnost ponovnog izbora, odnosno imenovanja.

I OPIS POZICIJE

Nadzorni odbor ima sljedeće nadležnosti:

- nadzire poslovanje preduzeća, usvaja poslovne strategije preduzeća i planove poslovanja,
- nadzire rad Uprave, te odobrava odluke strateškog karaktera,
- usvaja izvještaj Uprave o poslovanju preduzeća po polugodišnjem i godišnjem obračunu sa izvještajem revizora;
- podnosi Skupštini godišnji izvještaj o poslovanju preduzeća koji obavezno uključuje finansijski izvještaj i izvještaje revizora, Nadzornog odbora i Odbora za reviziju,
- bira predsjednika Nadzornog odbora,
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine preduzeća po bilansu stanja na kraju prethodne godine,
- predlaže raspodjelu i način upotrebe dobiti i način pokrića gubitka,
- predlaže Skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33% knjigovodstvene vrijednosti ukupne imovine preduzeća po bilansu stanja na kraju prethodne godine,
- odlučuje o ostalim pitanjima u skladu sa Zakonom i Statutom JP.

Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

II OPĆI USLOVI:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini (bilo na nivou države ili entiteta) u periodu od 3 godine prije dana objavljivanja upražnjene pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX. 1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj: 12/03, 34/03 i 65/13),
6. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
7. da nije član Upravnog ili Nadzornog odbora odnosno Odbora za reviziju nekog privrednog društva ili institucije,
8. da nema privatni/finansijski interes u javnom preduzeću u čiji se Nadzorni odbor kandiduje,
9. da nije lice kojem je presudom suda zabranjeno obavljanje aktivnosti u nadležnosti Nadzornog odbora,
10. da nije lice koje je osuđivano za krivično djelo i za prekršaj nespojiv sa dužnošću u Nadzornom odboru, pet godina od dana pravomoćnosti presude, isključujući vrijeme zatvorske kazne,
11. da nije kažnjavan.

III POSEBNI USLOVI:

1. VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
2. najmanje tri (3) godina radnog iskustva u struci, nakon sticanja visoke stručne spreme, odnosno visokog obrazovanja,
3. da posjeduje sposobnost nepristrasnog donošenja odluka, komunikacijske i organizacijske sposobnosti za savjesno, odgovorno i odlučno obavljanje pozicije.

IV POTREBNI DOKUMENTI:

Svojeručno potpisana prijava kandidata treba da sadrži kraću biografiju, adresu i kontakt telefon. Uz potpisanu prijavu treba dostaviti:

1. diplomu o završenom visokom obrazovanju,
2. dokaz o traženom radnom iskustvu,
3. uvjerenje o državljanstvu (ne starije od 6 mjeseci),
4. ovjerene izjave kandidata o činjenicama nabrojanim u tačkama od 3. do 9. Općih uslova Oglasa (sve navedene izjave mogu biti tekstualno sadržane na jednom ovjerenom listu),
5. uvjerenje kandidata da nije osuđivan za krivično djelo i za prekršaj nespojiv sa dužnošću u Nadzornom odboru, pet godina od dana pravomoćnosti presude, isključujući vrijeme zatvorske kazne (**2 uvjerenja ne starija od 3 mjeseca izdata od strane nadležnog suda**) i
6. uvjerenje kandidata da nije kažnjavan (**uvjerenje ne starije od 3 mjeseca izdato od strane nadležnog MUP-a**).

Dokumenti koji se prilažu uz prijavu moraju biti originali ili ovjerene kopije.

Kandidati su dužni u prijavi i na koverti naznačiti za koje javno preduzeće apliciraju.

Oglas za podnošenje prijava ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu sa potrebnom dokumentacijom dostaviti lično na protokol Grada Zenica ili preporučeno poštom na sljedeću adresu:

**"Prijava na Oglas za izbor i imenovanje članova
Nadzornih odbora JP čiji je osnivač Grad Zenica - "NE OTVARATI"
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine broj 6.
72 000 Z e n i c a**